

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK**



**Broj: 02-433/15
Vareš, 20.04.2015. godine**

**Federacija Bosne i Hercegovina
VLADA F BiH
n/r premijera
gosp.Fadil Novalić
S A R A J E V O
Alipašina 41.**

Informacija o stanju u Općini Vareš

Vareš, 20.04.2015.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



Poštovani,

Općina Vareš kao jedinica lokalne samouprave sa površinom od cca 390,1 km², čije je sjedište u ulici Zvijezda br.34, teritorijalno je smještena na području Zeničko-dobojskog kantona. Sa svojom površinom općina Vareš obuhvata 11,67% ukupne površine Zeničko-dobojskog kantona, na kojoj je smješteno ukupno 24 mjesne zajednice.

Po popisu iz 1991.godine popisu općina Vareš je imala ukupno 22.203 stanovnika. Ratna dejstva, kao i posljedice ratnih događanja, totalno su izmijenila demografsku sliku općine Vareš, kako po broju stanovnika tako i po drugim važnim karakteristikama.

Prema popisu stanovništva koji je proveden 2013. godine općina Vareš ima ukupno 9.556 stanovnika.

Prikaz stanovništva općine Vareš po starosnoj strukturi (procjena)

Godina	Ukupno	0-14 godina	15-64 godina	65 i više godina
1991.	22.203	4.911	15.573	1.719
2008.	10.948	1.632	6.982	2.334
2009.	10.743	1.602	6.851	2.290
2010.	10.554	1.574	6.730	2.250
2011.	10.384	1.549	6.621	2.214
2012.	10.193	1.435	6.563	2.195
2013. (30.06.)	10.048	1.415	6.469	2.164
2014. (30.06.)	9.877	1.391	6.359	2.127

Izvor: „Federalni zavod za statistiku“

Prijava i odjava prebivališta za općinu Vareš po godinama

Godina	Prijava	Odjava
2010.	52	201
2011.	62	186
2012.	65	183
2013.	71	123
2014.	67	186

Izvor: „Federalni zavod za statistiku“

Ekonomija općine Vareš u prijeratnom periodu bila je oslonjena na tešku industriju, naročito na rudarstvo (željezna ruda, barit i kamenolom uglavnom za potrebe željezare), željezaru, livnicu i metaloprivredu. Razvoj je, također, bio oslonjen na šumarstvo (eksploatacija šume) i finalnu preradu drveta (rezana građa, otvori i dr.). Metalna industrija je uglavnom imala osiguran posao u okviru sistema u kojima je djelovala (RMK, "Zrak", "Energoinvest"), tako da je borba za tržište bila na niskom stepenu. To je karakteristično i za drvenu industriju koja je djelovala u okviru "Šipada" i za građevinarstvo koje je djelovalo u okviru "Vranice". Poljoprivredna proizvodnja je bila na niskom stepenu razvoja (stihijsko stočarstvo i dio poljoprivredne proizvodnje uglavnom za vlastite potrebe).

Preduzeće "Snaga", inače nosilac razvoja poljoprivredne proizvodnje, uglavnom se bavilo trgovinom u okviru sistema UPI-ja.

Rudarstvo

Rudarstvo je uvijek bilo veoma značajno za općinu Vareš. Kopanje i prerada ruda je generacijama bio osnovni način privređivanja. Veliki zamah rudarstvo je dobilo izgradnjom visokih peći, krajem 19. vijeka, visokim pećima za topljenje željeznih ruda na čitavom Balkanu. Trenutno su rudnici zatvoreni i više se ne eksploatišu. Kamenolom krečnjaka "Stijene" Vareš je radio do 2000. godine, a nakon toga dio imovine i prava ovog preduzeća ušao je u mješovito preduzeće "BBM-Amfibolit". "BBM" d.o.o. Vareš bavi se proizvodnjom kamenih agregata od krečnjaka i eruptivnog kamena spilita za spravljanje betona i asfalta, kao i istraživanjem i eksperimentalnom proizvodnjom arhitektonsko - građevinskog kamena i jedino trenutno radi.

Šumarstvo

Općina Vareš spada u jednu od najšumovitijih općina u BiH. Od ukupne površine općine cca 77% otpada na šume i šumsko zemljište. Šuma je jedan od najznačajnijih prirodnih resursa općine Vareš. Šume imaju proizvodnu, protuerozijsku, hidrološku, klimatsku i višenamjensku funkciju. Iz tih razloga je nužno svim šumama, bez obzira na vlasništvo, gospodariti na temeljima najnovijih dostignuća nauke, šumarske struke i prakse. Šume su važan rekreativni i turistički potencijal, te bi se na taj način trebale i vrednovati.

Posljednjim ratnim razaranjima, osim štete na šumama, poslovnim i stambenim objektima, mostovima i drugim proizvodnim objektima, uništena su i nestala brojna sredstva rada. Šumarska preduzeća koja posluju na području općine Vareš nisu u potpunosti izvršila sanaciju i rekonstrukciju uništenih objekata i sredstava rada, premda i sa trenutno raspoloživim sredstvima rada izvršavaju planiranu proizvodnju.

Stočarstvo

Zahvaljujući klimatskim pogodnostima i dugoj tradiciji, stočarstvo je najzastupljenija grana poljoprivredne proizvodnje na području ove Općine. Uglavnom je usmjereno na zadovoljenje potreba u ishrani domaćinstva i kao dopunski izvor prihoda.

Pčelarstvo

Predstavlja jednu od rijetkih poljoprivrednih aktivnosti koja ne postavlja zahtjev za posjedovanjem zemljišta. Zapravo, pčelarstvo je sa poljoprivredom komplementarna djelatnost, jer je prisustvo pčelinjaka poželjno u blizini poljoprivrednih gospodarstava. Prostor pod biljnim pokrovom životno je i radno stanište pčela. Zeleni pokrov na području općine Vareš veoma je bogat medonosnim biljkama što nudi izdašnu prirodnu osnovu za proizvodnju pčelinjih proizvoda. Područje općine Vareš spada u područje sa izvanredno povoljnim uvjetima za razvoj i unapređenje pčelarske proizvodnje. Ovakva konstatacija je utemeljena na sljedećim činjenicama: klima je veoma povoljna i omogućava aktivno pčelarenje osam mjeseci u godini, zimski period omogućava prezimljavanje pčela na otvorenim prostorima, čime se ne javljaju velike potrebe za posebnim zatvorenim zimovnicama.

Ratarsko-povrtlarska proizvodnja

Prirodne karakteristike općine Vareš omogućavaju proizvodnju ratarsko-povrtlarskih kultura, kako u pogledu merkantilne, tako i u pogledu sjemenske proizvodnje. Trenutno se povrtno bilje sije samo za vlastite potrebe u domaćinstvu, a ako se i pojave tržišni viškovi, oni uglavnom idu na pijacu.

Sadašnje ekonomsko stanje na području općine Vareš

S obzirom na to da su se raspli veliki ekonomski sistemi, u okviru kojih je većinom djelovala privreda općine Vareš, u potpunosti je prestala eksploatacija ruda i proizvodnja željeza, obustavljena je finalna prerada drveta u okviru DI "Zvijezda", a trgovačko preduzeće "Snaga" i ugostiteljsko preduzeće "Perun" prestaju sa radom. Metaloprerađa u Mehaničkoj radionici i "Zraku" faktički ne postoji, dok Tvornica rezervnih dijelova (TRD) radi sa

smanjenim kapacitetima i uglavnom je orijentisana na iznalaženje poslova izvan Vareša. Eksploataciju kamena vrši jedino preduzeće „BBM-Vareš“, ali sa dosta smanjenim količinama.

Eksploatacija šume je zadržala trend razvoja zahvaljujući tržišnim okolnostima (povećane potrebe za sirovinom), ali se sirovina uglavnom izvozi izvan Vareša.

Zaposlenost

U prijeratnom periodu zaposlenost u općini Vareš je bila na visokom nivou, od 22.203 stanovnika bilo je 6.933 zaposlenih, od čega 6.342 u privredi, a 591 u vanprivredi. Broj zaposlenih po firmama bio je sljedeći: Rudnik željezne rude: 1180 radnika, Željezara: 890, Kamenolom: 30, "Amfibolit": 20, "Metalprerada": 225, Prerada drveta: 630, Šumarstvo: 750, "Vranica" - građevinsko preduzeće, Bobovac: 490, Tvornica rezervnih dijelova: 320, Tvornica "Zrak": 130, Tvornica konfencije "Vilko": 120, "Autotrans": 140, Rudnik olova, cinka i barita: 120, Trgovačko preduzeće "Snaga": 195, "Velepromet": 65, "Perun": 60 itd. Na privatni sektor je u tom periodu otpadao zanemariv dio i to uglavnom na autoprijevoznike, sa veoma malo zanatskih i ugostiteljskih radnji.

Broj zaposlenih u Općini Vareš za period 2008 - 2014. godine

Red. broj	Općina	2008.	2009.	2010.	2011.	2012.	2013.	(XI)2014.
1	2	3	4	5	6	7	8	9
1.	Vareš	1.628	1.457	1.328	1.349	1.312	1.307	1.316

Podaci o broju zaposlenih preuzeti su iz publikacija „Mjesečni statistički pregled Federacije Bosne i Hercegovine po kantonima“ koji štampa Federalni zavod za statistiku.

Prosječan broj nezaposlenih u 2012. godini iznosio je 1268 osoba, a od tog broja, 625 odnosi se na žensku populaciju ili 49,29%.

Prosječan broj nezaposlenih u 2013. godini iznosio je 1.306 osoba, a od tog broja 647 odnosi se na žensku populaciju ili 49,54%. Apsolutni porast u odnosu na 2012. godinu je 38 osoba ili u relativnom iznosu za 2,99%.

Prosječan broj nezaposlenih u 2014. godini iznosio je 1.308 osoba, a od tog broja 665 odnosi se na žensku populaciju ili 50,84%. Apsolutni porast u odnosu na 2013. godinu je 2 osobe ili u relativnom iznosu za 0,15%.

U JU Zavod za zapošljavanje – Biro Vareš u decembru 2014. godine bilo je prijavljeno **1.313** nezaposlenih osoba.

Ukupno	VSS	VŠ	SSS	NSS	VKV	KV	PKV	NKV
1.313	76	9	363	11	6	437	32	379

BUDŽET OPĆINE VAREŠ ZA 2015. GODINU

Općinsko vijeće Vareš je na svojoj 25. sjednici, koja je održana 28.01.2015. godine usvojilo Izmjene i dopune Budžeta/Proračuna Općine Vareš za 2015.godinu, tako da je struktura Budžeta/Proračuna za 2015.godinu sljedeća:

PLAN PRIHODA I PRIMITAKA

R.br.	Glavna kategorija	VRSTA PRIHODA	Plan budžeta/ proračuna za 2015.godinu	Procenat učešća %
-1-	-2-	-3-	-4-	-5-
I	710000	PRIHODI OD POREZA	1.265.450,00	46,42
II	720000	NEPOREZNI PRIHODI	875.700,00	32,12
III	730000	TEKUĆI TRANSFERI (TRANSFERI I DONACIJE)	585.000,00	21,46
IV	810000	KAPITALNI PRIMICI	0,00	0,00
SVEUKUPNO PRIHODI I PRIMICI (I+II+III+IV)			2.726.150,00	100,00

PLAN RASHODA I IZDATAKA

R.br.	Glavna kategorija	VRSTA RASHODA	Plan budžeta/ proračuna za 2015.godinu	Procenat učešća
-1-	-2-	-3-	-4-	-5-
I	611000	PLAĆE I NAKNADE TROŠKOVA ZAPOSLENIH	1.079.100,00	39,58
II	612000	DOPRINOSI POSLODAVCA I OSTALI DOPRINOSI	94.300,00	3,46
III	613000	IZDACI ZA MATERIJAL, SITAN INVENTAR I USLUGE	584.100,00	21,43
IV	614000	TEKUĆI GRANTOVI I DRUGI TEKUĆI RASHODI	338.850,00	12,44
V	615000	KAPITALNI GRANTOVI	0,00	0,00
VI	616000	IZDACI ZA KAMATE I OSTALE NAKNADE	18.340,00	0,67
VII	820000	KAPITALNI IZDACI (otplata dugovanja)	607.460,00	22,28
VIII	531100	BUDŽETSKA REZERVA	4.000,00	0,14
SVEUKUPNO RASHODI I IZDACI (I+II+III+IV+V+VI+VII)			2.726.150,00	100,00

U ukupnoj strukturi rashoda i izdataka u stavci kapitalni izdaci, ekonomski kod 820000, od ukupnog iznosa 607.460,00 KM planiran je iznos od 450.000,00 KM za otplatu unutarnjeg duga (izmirenje poreznih obaveza iz ranijeg perioda po potpisivanju Sporazuma sa Poreznom upravom Federacije BiH).

Korekcija rashodovne strane budžeta/proračuna Općine Vareš izvršena je na svim stavkama uzevši u obzir maksimalne uštede, a da bi se zadovoljile osnovne potrebe funkcionisanja jedne lokalne zajednice.

Ukupan broj zaposlenih u Općini Vareš je 66, koji je nastao kao posljedica integracije poslije završetka ratnih dejstava i potpisivanja Dejtonskog mirovnog sporazuma.

U januaru 2013. godine rukovodeći se Zakonom o plaćama i naknadama u organima vlasti Federacije BiH („Službene novine F BiH“, broj:45/10 i 113/12) izvršeno je usklađivanje platnih razreda i koeficijenata za državne službenike i namještenike koji su potvrđeni od strane Općinskog vijeća Vareš. Poslije toga je Sindikalnom organizacijom Jedinstvenog Općinskog organa Općine Vareš potpisan je sporazum o visini osnovice u iznosu od 220,00 KM, jer se za značajan dio zaposlenika bez obzira na koeficijente iz platnih razreda mora obezbijediti zagarantovani LD u iznosu od 70 % prosječne plaće ostvarene u F BiH u posljednja tri mjeseca prema zvaničnim statističkim pokazateljima.

POTRAŽIVANJA

Saldo ukupnih potraživanja koja su u proteklom obračunskom periodu knjižena zaključno sa 31.12.2014. godine iznosi 2.773.011,56 KM i odnose se na:

Potraživanja za stanove (naknada za korištenje gradskog građevinskog zemljišta i komunalna naknada) u iznosu od 145.722,66 KM, ljetne bašte u iznosu od 8.192,21 KM i zakupnine za stan u iznosu od 4.452,35 KM su izražena u ovom obimu kao posljedica slabe socio-ekonomske situacije u Varešu.

Potraživanja za naknadu za korištenje gradskog građevinskog zemljišta u iznosu od 1.327.078,33 KM, komunalnu naknadu u iznosu od 218.572,07 KM, protupožarnu naknadu u iznosu od 27.573,03 KM i ostale naknade u iznosu od 1.041.420,91 KM su potraživanja od pravnih lica po osnovu navedenih naknada.

Najveći dužnici po navedenom su:

- 17.505,52 KM Autotrans d.d. Vareš – (raniji dug prenesen na sumnjiva i sporna potraživanja),
- 241.824,40 KM Tvornica rezervnih dijelova d.d.Vareš – dugovanje za zakupninu poslovnog prostora u iznosu od 169.500,00 KM, dugovanja za naknadu za gradsko građevinsko zemljište u iznosu od 27.892,84 KM, komunalnu naknadu u iznosu od 41.085,00 KM i protupožarnu naknadu u iznosu od 3.346,56 KM,
- 3.799,04 KM Vranica d.o.o. Sarajevo – (raniji dug prenesen na sumnjiva i sporna potraživanja),
- 9.967,18 KM Osnovna škola Vareš Majdan – obveznik plaćanja Zeničko-dobojski kanton,
- 15.279,10 KM Osnovna škola Vareš – obveznik plaćanja Zeničko-dobojski kanton,
- 40.673,43 KM ŠIP „Stupčanica“ d.d. Olovo – otvoren stečaj Rješenjem suda, broj:st-7/07 od 24.05.2007.godine,
- 963.307,32 KM Livnica d.d. Vareš – otvoren stečajni postupak Rješenjem suda, broj:43 0 st 090926 13 st od 09.12.2013.godine,
- 9.159,60 KM Mješovita srednja škola „NORDBAT 2“ Vareš – obveznik plaćanja Zeničko-dobojski kanton,
- 12.544,64 KM Policijska uprava Vareš – obveznik plaćanja Zeničko-dobojski kanton,
- 7.633,60 KM Zrak d.d. – Rješenjem suda dozvoljeno izvršenje, broj:65 0 IP 07149909 IP, 65 0 I 10084109 I, 65 0 IP 10077509 IP,
- 21.863,70 KM Vilko d.d. – prikupljanje dokumentacije za pokretanje postupka,
- 8.928,53 KM AR „Zvijezda“ – Rješenjem suda dozvoljeno izvršenje, broj:41 0 IP 03049112 IP, 41 0 IP 03049912 IP, 41 0 IP 03050012 IP,
- 51.429,39 KM Disco club“ CAMPARI“ – zakupnina i druge naknade,
- 7.872,40 KM Velepromet DC Visoko – naknade za komunalno i građevinsko zemljište
- 13.399,60 KM Općina Breza – Rješenje o služnosti zemljišta za postrojenje za kondicioniranje vode za piće, komunalna naknada i naknada za građevinsko zemljište,
- 256.381,50 KM Sakupljanje sekundarnih sirovina d.d. Vareš – stečaj otvoren Rješenjem suda, broj:43 0 St 090933 13 St, objavljeno u „Sl.novinama F BiH“, broj:91/13 od 20.11.2013.godine
- 669.525,47 KM Ministarstvo finansija Zeničko-dobojskog kantona (naknada za korištenje šuma) po vansudskoj nagodbi, broj:1-836/11 od 17.11.2014.godine između Zeničko-dobojskog kantona, JP „ŠPD“ ZDK i Općine Vareš, do sada uplaćene četiri rate u iznosu od po 19.129,30 KM i to 12.12.2014. , 05.03.2015. i 07.04.2015.godine**

Sumnjiva i sporna potraživanja zaključno sa 31.12.2014.godine za koja je pokrenut stečaj ili sudski postupak

92.798,44 KM	Autotrans d.d. Vareš – otvoren stečajni postupak
16.595,94 KM	Vranica d.o.o. Sarajevo – otvoren stečajni postupak Rješenjem suda, broj:65 0 st 218050 11 st od 13.04.2012.godine,
2.500,00 KM	Caffe „Flama“,
420.046,26 KM	DI “Zvijezda“ d.d. Vareš – Rješenjem suda, broj:43 0 St 046409 05 St od 25.03.2011. godine zaključuje se stečajni postupak. Stavom 2. izreke rješenja utvrđeno je da će u slučaju ostvarenja prava po tužbi pred Trgovačkim sudom u Splitu, stečajni upravnik postupiti kao sa naknadno pronađenom imovinom (Odmaralište u Zaostrogu),
1.217,85 KM	„Euroljiljan“.

Potraživanja od organa zaključno sa 31.12.2014.godine

13.880,70 KM	Mehanička radionica
10.000,00 KM	DI“Zvijezda“
10.000,00 KM	DD“Vilko“
2.000,00 KM	Lovno gazdinstvo
1.000,00 KM	ZZ“Zvijezda“

36.880,70 KM

Pregled ukupnih potraživanja Općine Vareš od Zeničko-dobojskog kantona

9.967,18 KM	Osnovna škola Vareš Majdan – obveznik plaćanja Zeničko-dobojski kanton,
15.279,10 KM	Osnovna škola Vareš – obveznik plaćanja Zeničko-dobojski kanton,
9.159,60 KM	Mješovita srednja škola „NORDBAT 2“ Vareš – obveznik plaćanja Zeničko-dobojski kanton,
12.544,64 KM	Policajska uprava Vareš – obveznik plaćanja Zeničko-dobojski kanton,
669.525,47 KM	Ministarstvo finansija Zeničko-dobojskog kantona (naknada za korištenje šuma) po vansudskoj nagodbi, broj:1-836/11 od 17.11.2014.godine između Zeničko - dobojskog kantona, JP „ŠPD“ ZDK i Općine Vareš, do sada uplaćene četiri rate u iznosu od po 19.129,30 KM i to 12.12.2014. i 05.03.2015. i 07.04.2015. godine

Pregled ukupnih potraživanja općine Vareš za vrijeme nepostojanja Zakona o šumama:

R.b.	Period potraživanja	Iznos	Napomena
1.	Potraživanje za 2012. godinu	297.620,48	Podaci Kantonalne uprave za šumarstvo ZDK
2.	Potraživanje za (I-VII) 2013. godine	175.000,00	Prema procjenama, a na osnovu dosadašnjih mjesečnih obaveza u prosjeku u iznosu od cca 25.000,00 KM
Ukupno:		472.620,48	

Rekapitulacija potraživanja Općine Vareš od ZDK su:

Potraživanja po osnovu komunalne naknade, naknade za korištenje gradskog građevinskog zemljišta i naknade za vatrogastvo	46.950,52 KM
Potraživanja po osnovu naknada za šume	1.103.887,35 KM
S V E U K U P N O:	1.150.837,87 KM

BLOKADA OPĆINSKOG RAČUNA PO NALOGU POREZNE UPRAVE FEDERACIJE BOSNE I HERCEGOVINE

Rješenjima Kantonalnog poreznog ureda Zenica obaviješteni smo da je Općina Vareš zaključno sa 05.01.2015. godine ukupno dužna sljedeće porezne obaveze:

- Za period 2001 – 2008. godina iznos od 2.205.919,53 KM,
- Za period 2013 – 2014.godina iznos od 587.364,66 KM

Dana 13.01.2015. godine zaprimili smo obavijest od „Unicredit Bank“ d.d. Mostar da su nam izvršili blokadu računa po nalogu Porezne uprave Federacije Bosne i Hercegovine – Kantonalni porezni ured Zenica u iznosu od 2.709.586,59 KM.Na osnovu izvoda iz Banke od 13.01.2015. godine obaviješteni smo da su sva sredstva, uključujući i namjenska, blokirana, odnosno transferisana prema nalogu Porezne uprave FBiH.

Blokirana namjenska sredstva

R.br.	Opis	Namjena	Iznos
-1-	-2-	-3-	-4-
1.	Fond za zaštitu okoliša F BiH	Studija izvodljivosti za zaštitu planine Zvijezde	13.513,50
2.	Ministarstvo za prostorno uređenje, promet i komunikaciju i zaštitu okoline ZDK	Zaštita okoliša	10.994,12
3.	Ministarstvo za prostorno uređenje,promet i komunikaciju i zaštitu okoline ZDK	Sanacija posljedica elementarne nepogode	40.000,00
4.	Ministarstvo za rad, socijalnu politiku i izbjeglice ZDK	Stambeno zbrinjavanje	1.200,00
5.	Ministarstvo za boračka pitanja	Stipendije	7.500,00
6.	Švedska ambasada - SIDA	Upravljanje čvrstim otpadom	16.642,06
7.	Fond za pomoć nastradalim područjima F BiH	Sanacija posljedica elementarne nepogode	31.143,49
S V E U K U P N O:			120.993,17

Zaključno sa 28.02.2015. godine ukupan iznos blokiranih sredstava na računima Općine Vareš iznosio je 412.020,12 KM (od navedenog iznosa 120.993,17 KM su namjenska sredstva pojašnjena u prethodnom tabelarnom prikazu).

Na veliki broj naših upita, molbi i zahtjeva koje smo uputili kako Poreznoj upravi Federacije Bosne i Hercegovine i UniCredit Banci d.d. Mostar a vezano za blokadu namjenskih sredstava od ovlaštenih lica iz Unicredit Banke d.d. Mostar, dobili smo odgovor

„da je banka“ samo izvršilac i da radi po nalogu Porezne uprave Federacije Bosne i Hercegovine.

Kantonalni porezni ured Zenica je na našu molbu da se izvrši deblokada računa Općine i da se pristupi sistemskom iznalaženju rješenja za novonastalu situaciju Općinu Vareš dana 19.01.2015. godine obavijestio da Općina mora pristupiti podnošenju Molbe za plaćanje duga na rate, te da je to jedini pravi i ispravan način da se riješi problem blokade računa Općine Vareš.

Dana 26.02.2015. godine potpisan je Sporazum između Porezne uprave Federacije Bosne i Hercegovine Središnji ured Sarajevo i poreznog obveznika – dužnika „OPĆINA VAREŠ – OPĆINSKI NAČELNIK – tijelo lokalne vlasti“ Vareš o plaćanju dužnih javnih prihoda na 60 (šezdeset) rata.

Pregled obaveza Općine Vareš po potpisanom Sporazumu:

R.br.	Vrsta obaveze	Ukupno
-1-	-2-	-5-
1.	Doprinosi iz i na plaću, porez na plaću i dodatna primanja, porez na dohodak i dr.	1.596.197,76
2.	Troškovi prinudne naplate	143.571,68
3.	Kamata do Sporazuma	1.908.149,43
4.	Kamata po Sporazumu	574.077,54
	S V E U K U P N O:	4.221.996,41

Na osnovu prethodnog tabelarnog prikaza vidljivo je da su ukupne obaveze Općine Vareš 4.221.996,41 KM. Od tog iznosa ukupan iznos kamata je 2.482.226,97 KM što je izuzetno visok iznos uzevši u obzir glavnice duga.

Ukoliko bi Općina Vareš obezbijedila novčana sredstva u iznosu glavnice duga postoji mogućnost oslobađanja od naprijed navedenog iznosa kamata.

Obzirom da Općina Vareš spada u red nerazvijenih općina u FBiH i nije u mogućnosti vlastitim izvorima finansiranja uticati na ekonomsku politiku razvoja općine i ekonomskog razvoja i prosperiteta čime se došlo u izuzetno tešku situaciju, a što dodatno usložnjava naprijed navedeno.

PRIJEDLOG MJERA POMOĆI FEDERALNE VLADE OPĆINI VAREŠ

I - Donošenje zakonske legislative u interesu lokalne zajednice

- 1. Implementacija Evropske povelje o lokalnoj samoupravi i Zakona o principima lokalne samouprave**
 - *Donošenje jedinstvenog Zakona o šumama na području Federacije Bosne i Hercegovine poštivajući prava lokalne zajednice*
- 2. Izmjene Zakona o pripadnosti javnih prihoda u Federaciji Bosne i Hercegovine**
 - *Povećanje koeficijenta učešća u raspodjeli javnih prihoda za nerazvijene općine, a u cilju samoodrživosti*

II - Stvaranje preduslova za lokalni ekonomski razvoj i zapošljavanje stanovništva

I Vodonabdijevanje

- **Istražni radovi i izrada projektne dokumentacije za vodosnabdijevanje gradskog područja Vareša i šire okoline sa izvorišta „Stijene“**

Projekat je povezan sa:

- *Strategijom razvoja općine u kojoj je razvojnim programom predviđena izrada studije izvodljivosti za vodovod „Stijene“.*
- *Prostorni plan Zeničko-Dobojskog kantona 2009-2029.godine.*

Svrha projekta

- *Izvorište „Stijene“ predstavlja kvantitativno i kvalitativno prihvatljiv resurs za dugoročno i kvalitetno snabdijevanje pitkom vodom Vareša. To bi ujedno omogućilo i napuštanje korištenja postojećeg izvorišta „Očevlje“, koje je po sadašnjem stanju neprihvatljivo (velika dužina transporta, veliki troškovi el. energije). Ovim projektom treba izvršiti istražne radove kroz bušenje istražnih bušotina te utraditi projektnu dokumentaciju za uključivanje izvorišta „Stijene“ u gradski vodovod kao i obezbjeđivanje kvalitetnom vodom općine Vareš, Breza i Visoko kroz duži planski period obzirom da se predviđa deficit ovako jako važnog resursa za životne potrebe.*

Ciljevi projekta

- *Obezbjeđivanje vode sa novog izvorišta „Stijene“ kapaciteta 100l/s visokog kvaliteta.*
- *Uključivanjem ovog izvorišta u vodovodni sistem Vareša obezbijediti dovoljnu količinu vode za duži planski period kao i šire okoline.*
- *Ekonomičnija i racionalnija distribucija vode sa novog izvorišta „Stijene“.*
- *Isključivanje vodovoda „Očevlja“ koji je neekonomičan i neracionalan.*

Općina	Nedostajuće količine vode u odnosu na planska predviđanja						
	Ukupno raspoloživo l/s(2008)	Nedostajuće količine Q(l/s) za period do					
		2010		2020		2030	
		Planirano	Razlika	Planirano	Razlika	Planirano	Razlika
Vareš	111	83	28	100	11	117	-6
Breza	57	66	-9	79	-22	92	-35
Visoko	160	181	-21	215	-55	251	-91
Ukupno	328	330	-2	394	-66	460	-132

-Iznos sredstava:150.000,00 KM

- Mogući izvori finansiranja:

- *Federalno ministarstvo poljoprivrede, vodoprivrede i šumarstva – programi za 2015.godinu.*

II Poljoprivreda

- **Uspostavljanje resursnog centra (poljoprivredna zadruža za otkup i plasman poljoprivrednih proizvoda)**

Projekat broj 1

- *Uspostaviti Poljoprivredno resursni centar (centralnu otkupnu stanicu) ili drugi alternativni naziv za otkup poljoprivrednih proizvoda (povrća, voća, jagodičastog voća, ljekovitog bilja, gljiva i drugih proizvoda), osposobiti postojeće sekundarne otkupne stanice sa laktofrizima za mlijeko u mjestima za otkup mlijeka.*

Projekat broj 2

- *Kroz realizaciju projekata sa međunarodnim Razvojnim agencijama i NVO nabaviti što više kvalitetnih muznih grla (montafon, simental) i osposobiti mini siraru FARMA „ZARUDJE“ da proširi otkup na cijelu općinu.*

Projekat broj 3

- *Uspostaviti i osposobiti centar za pčelarstvo na predloženim principima investicionih ulaganja.*

Projekat broj 4

- *Još više intenzivirati podizanje plantažnih zasada jagodičastog voća kroz donacije ili neki drugi vid finansiranja nabavke kvalitetnog sadnog materijala da se u narednim godinama na našoj općini podigne što više novih plantaža maline površine od po 0,1 – 0,3 i više hektara.*

Projekat broj 5

- *Organska proizvodnja povrća u zatvorenom prostoru kroz donaciju ili neki drugi vid sufinansiranja nabavke plastenika.*
 - **Iznos sredstava: 300.000,00 KM**
 - **Mogući izvori finansiranja:**
 - *Federalno ministarstvo poljoprivrede, vodoprivrede i šumarstva – programi za 2015. godinu,*
 - *Federalno ministarstvo razvoja, obrta i poduzetništva - programi za 2015.godinu.*
 - *Međunarodne organizacije – donacije i grant sredstva.*

III - Finansiranje

1. Obezbjedenje sredstava za prijevremeno penzionisanje

- *Kroz rebalans Federalnog budžeta obezbijediti iznos od minimalno 300.000,00 KM za otpremnine uposlenika Općine Vareš kroz prijevremeno penzionisanje*

Izvršioci:

- *Federalno ministarstvo finansija*
- *Federalno ministarstvo rada i socijalne politike – kroz program zbrinjavanja*

2. **Obezbjedenje uslova u postupku kreditnog zaduženja Općine Vareš kod UNION Banke za izmirenje obaveza po osnovu poreza i doprinosa a na osnovu potpisanog Sporazuma između Općine Vareš i Porezne uprave FBiH za neizmirene javne prihode kroz garancijski fond Vlade FBiH.**

3. **Obezbjedenje sredstava za putnu infrastrukturu na području općine Vareš**

Naziv projekta: Asfaltiranje putne komunikacije do Kraljevskog grada „Bobovca“ sa ciljem revitalizacije istog, a u cilju promocije bosanske države i kulturnog naslijeđa

- Regionalni put R444 Podlugovi-Breza-Vareš-Vijaka-Potkamensko
- Regionalni put R444 a Vareš-Pogar-Luke-Ratanj-Kraljeva Sutjeska-Kakanj

Iznos sredstava: 5.000.000,00 KM

-Mogući izvori finansiranja:

- a) Sredstva iz GSM licence,
- b) Sredstva Fondacije ODRAZ,
- c) Federalno ministarstvo prometa i komunikacija – programi za 2015.godinu,
- d) Federalna direkcija za ceste.

4. **Sredstva za sanaciju klizišta**

Naziv projekta:Kapija II

Iznos sredstava: 574.000,00 KM

-Mogući izvori finansiranja:

- a) Federalno ministarstvo prometa i komunikacija – programi za 2015. godinu,
- b) UNDP BiH.

5. **Sanacija flotacijskog jezera**

Naziv projekta: Crne rupe u Evropi

Iznos sredstava: 1.000.000,00 KM

-Mogući izvori finansiranja:

- a) Federalno ministarstvo okoliša i turizma – programi za 2015. godinu,
- b) IPA fondovi.

6. **Obezbjedenje sredstava za kulturno-istorijsku revitalizaciju**

Naziv projekta:Izrada i početak realizacije projekta revitalizacije Kraljevskog grada „Bobovca“

Iznos sredstava: 500.000,00 KM

-Mogući izvori finansiranja:

- a) Federalno ministarstvo za prostorno uređenje - program za 2015. godinu,
- b) Federalno ministarstvo kulture i sporta – programi za 2015. godinu,
- c) Federalno ministarstvo okoliša i turizma – programi za 2015.godinu.

IV - Realizacija ranije donesenih Odluka

- **Pomoć u realizaciji Projekta IFAD – Vareš VI u iznosu od 677.000,00 USD za rekonstrukciju pristupnih puteva:**
- Put Pajtov Han – Budoželje,
- Put Pajtov Han – Striježevo.

- **Završetak realizacije započelih projekata putnih infrastruktura i to:**

- *Put Borovica – Luke*

Izvor finansiranja:

- *Federalno ministarstvo raseljenih osoba i izbjeglica* – **odobreno 155.000,00 KM**

- *Put Tisovci – Bijelo Borje – Daštansko*

- *Put Striježevo – Kokošćići*

Izvor finansiranja:

- *Fondacija ODRAZ* – iznos odobrenih sredstava **80.000,00 KM**

- *Put Podlovački – Očevija*

Izvor finansiranja:

- *Regionalni ured za izbjegla i raseljena lica* – **odobreno 175.000,00 KM**

S poštovanjem,

DOSTAVLJENO:

1 x Naslovu

1 x a/a

OPĆINSKI NAČELNIK

Kovačević Avdija, dipl. pravnik